

Bases legais da Promoción "Cashback 2,5 %"

CONDICIÓN DA PROMOCIÓN

A entidade mercantil BANCO BILBAO VIZCAYA ARGENTARIA, S.A., con domicilio en Bilbao, Plaza de San Nicolás, núm. 4, e provista do CIF núm. A48265169 (de agora en diante, "BBVA") organiza a presente Promoción denominada "CASHBACK" (de agora en diante, a "Promoción"), que se rexerá polas seguintes bases legais (de agora en diante, as "Bases legais").

1. En que consiste esta Promoción?

Esta Promoción ten por obxecto fomentar o pagamento con tarxetas por parte dos clientes de BBVA.

Os clientes que cumpran cos requisitos da promoción do apartado 4 destas Bases Legais poderán participar na promoción e obterán unha bonificación mensual (en diante, a "Bonificación") equivalente ao 2,50 % do importe das súas compras e subscricións realizadas coa tarxeta de débito BBVA (aplicable aos primeiros 200€ de compras/subscricións) durante cinco meses dende a realización do primeiro pagamento coa devandita tarxeta (en diante, "PROMOCIONES CASHBACK").

Quedan excluídos para o cálculo da bonificación os pagamentos realizados coa tarxeta BBVA relativos a cargos de financeiras e bancos, criptomoedas, xogos e apostas e pagamentos a empresas de cobro de morosidade.

2. A quen vai dirixida a Promoción?

A todas as persoas físicas maiores de 18 anos, residentes fiscais e titulares dunha Conta en BBVA que cumpran os requisitos.

Soamente poderán beneficiarse desta promoción aqueles participantes que reciban a invitación para participar por parte de BBVA a través das súas canles de comunicación: móbil, correo electrónico ou área privada dentro da App ou da Web de BBVA.

En diante referirémonos á Conta BBVA como a conta, e á tarxeta de débito BBVA como a tarxeta.

3. Cando dura esta Promoción?

Asinar este boletín de adhesión á promoción antes do 30 de xuño de 2026. Nesta data finaliza a promoción. (Período de vixencia).

4. Quen está excluído de participar na Promoción?

Quedarás excluído da participación na presente Promoción se, durante o Período de vixencia e ata a entrega da bonificación, es debedor fronte ao BBVA por calquera cantidade vencida e esixible. Nese suposto, terás que regularizar a situación antes da recepción da bonificación. Se chegada a data para o ingreso da bonificación non regularizaches a débeda, perderás o dereito a recibila e non che será ingresada.

Adicionalmente, polo feito de participar nesta promoción poderás quedar excluído de participar en futuras promocións relacionadas coa domiciliación da túa nómina, pensión ou prestación por desemprego no BBVA, ou outras promocións por incentivo de uso de tarxeta de débito ou crédito, ou por domiciliación de recibos.

Quedarás excluído da participación na Promoción en caso de que interviñeses na súa organización, así como se es empregado en activo e prexubilado tanto do BBVA como do seu grupo de empresas.

5. Que requisitos debes cumprir para participar e beneficiarte da Promoción?

Para participar na Promoción debes cumprir as seguintes condicións:

- Ser Cliente de BBVA.
- Recibir unha invitación para participar por parte de BBVA a través das súas canles de comunicación: móbil, correo electrónico ou área privada dentro da App ou da Web de BBVA.
- Aceptar as presentes Bases Legais.
- Realizar un pagamento coa Tarxeta, sen importe mínimo. Disporás dun prazo máximo de trinta (30) días naturais desde a adhesión para realizar un primeiro pagamento coa Tarxeta e iniciar a promoción. Se transcorrido ese prazo non se realiza o primeiro pagamento coa Tarxeta, a Promoción quedará cancelada.

6. Cando recibirás a Bonificación?

Unha vez que cumpras as condicións de participación indicadas na sección 4, a

Bonificación devindicarase mensualmente durante 5 meses, de maneira que recibirás a Bonificación correspondente ao mes en curso o primeiro día hábil transcorrido un mes natural dende que fixesches a primeira compra na túa Conta BBVA coa que te adheriches á promoción, e así sucesivamente.

Por exemplo, se te adhires á promoción o 1 de decembro e realizas o teu primeiro pagamento coa tarxeta de débito o 5 de decembro, o 5 de xaneiro ou o primeiro día hábil posterior recibirás, como máximo, a bonificación de 2,5% dos movementos da tarxeta realizados do 5 de decembro ao 4 de xaneiro. O seguinte período de bonificación será do 5 de xaneiro ao 4 de febreiro, o seguinte do 5 de febreiro ao 4 de marzo, o seguinte do 5 de marzo ao 4 de abril e a última será do 5 de abril ao 4 de maio. A bonificación aboarase o día 5 ou o primeiro día hábil posterior de cada un destes meses.

Se deixas de ser cliente de BBVA, non recibirás a Bonificación correspondente aos pagamentos realizados coa Tarxeta BBVA durante o mes en curso.

O ingreso da Bonificación estará supeditado ao cumprimento das condicións previstas nestas Bases Legais.

A Bonificación non será susceptible de cambio, alteración ou compensación. Se rexeitas a Bonificación non se che ofrecerá ningunha alternativa.

7. Como se notifica o premio?

A comunicación da Bonificación realizarásese, como moi tarde, aos seis meses contados desde a data en que cumprises as condicións recollidas nestas Bases legais, e realizarase mediante o propio ingreso da bonificación na Conta BBVA, co concepto "Bonificación Promoción comercial".

8. Que supón a aceptación das Bases legais?

A aceptación das presentes Bases legais supón a plena conformidade con elas, así como a aceptación do criterio do BBVA na resolución de calquera conflito que puidese xerar a interpretación destas. Como participante, deberás seguir as instrucións que puidese cursar, se é o caso, o BBVA.

O BBVA resérvase o dereito de descualificarte, segundo o seu criterio exclusivo, se manipulas, intentas manipular a Promoción ou violas calquera dos termos e condicións das presentes Bases legais.

O BBVA poderá adoptar as decisións necesarias para a resolución das controversias e conflitos que xurdan no desenvolvemento da Promoción, sempre que estas non te prexudiquen indebidamente e resulten equitativas.

No suposto de non cumprires as condicións de participación anteriormente aplicables, ou de non cumprires con todos os requisitos establecidos nas Bases Legais, non terás dereito a recibir a bonificación nos termos establecidos nestas.

9. Que acontece en caso de incumprires as condicións da Promoción?

No suposto de incumprires calquera das condicións establecidas nas Bases Legais, incluídas as obrigas que permanezan viventes tras a entrega da bonificación nos termos previstos nestas, cancelaráseche a Promoción e, no caso de que recibes a bonificación, terás a obriga de devolvela.

O BBVA realizará un cargo polo importe da Bonificación entregada na Conta en que se realizou o ingreso da bonificación en concepto de penalización e aplicarase con independencia do saldo que manteñas na túa conta.

No caso de non haber saldo suficiente, o cargo pola penalización xerará un descuberto. Se incumpres as Bases legais da Promoción, esta quedará automaticamente cancelada, aínda que con posterioridade cumpras as súas condicións.

A comunicación por incumprimento serache enviada por correo electrónico ao enderezo electrónico que indicases no proceso de alta de cliente no BBVA dentro dos seguintes 30 días contados desde a data de incumprimento dalgunha das condicións antes descritas ou desde a data na que, se é o caso, o BBVA teña coñecemento do incumprimento.

Se incumpres as Bases Legais da Promoción, esta quedará automaticamente cancelada, aínda que con posterioridade cumpras as condicións.

10. Que acontece en caso de cometeres ou de existir fraude?

En caso de que o BBVA, ou calquera entidade que estea ligada profesionalmente á Promoción, detecte calquera anomalía ou sospeite que estás a impedir o normal desenvolvemento desta, poderá de forma unilateral eliminar a túa intervención na Promoción. Con esta finalidade, o BBVA habilitou os necesarios soportes tecnolóxicos para detectar unha posible actuación fraudulenta, anómala ou dolosa que pretenda alterar a participación co obxectivo de lograr a bonificación de forma ilícita. Polo tanto, o BBVA resérvase o dereito de eliminar o teu rexistro se evidencia ou sospeita unha actuación irregular no sentido descrito.

11. Cal é o período de reclamación?

O período de reclamación da Promoción finaliza transcorridos 12 meses desde a data de finalización do "Período de vixencia".

12. Que tratamento se dará aos teus datos de carácter persoal?

Banco Bilbao Vizcaya Argentaria, S.A. con domicilio social na Plaza de San Nicolás, 4, 48005, Bilbao e enderezo electrónico consultasgenerales@bbva.com é o responsable do tratamento dos datos persoais que nos facilites con motivo da túa participación na Promoción.



O BBVA necesita tratar os seguintes datos persoais: nome e apelidos, idade, NIF/NIE/pasaporte, número de conta no BBVA e tarxeta de débito no BBVA, coa finalidade de levar a cabo a organización, control e seguimento da promoción e para a entrega da bonificación ou premio, en caso de cumprir coas condicións requiridas.

Conservaremos os teus datos persoais para este tratamento concreto durante a vixencia da relación contractual. Unha vez finalizado o devandito prazo, manteremos bloqueados aqueles datos persoais que sexan necesarios durante os prazos de prescrición legal para os exclusivos efectos de reclamacións ou accións legais. Transcorridos os prazos de prescrición legal, destruiremos os teus datos.

BBVA non comunicará datos persoais a terceiros, salvo que a lei nos obrigue ou se obteña o correspondente consentimento para facelo.

Poderás exercer os teus dereitos de acceso, rectificación, supresión, oposición, limitación do tratamento e portabilidade, mediante un escrito a través de derechosprotecciondatos@bbva.com. A supresión dos datos necesarios para a xestión da Promoción suporá a baixa automática da Promoción. Se consideras que non tratamos os teus datos persoais de acordo coa normativa, poderás contactar co delegado de protección de datos do BBVA no enderezo dpogrupobbva@bbva.com. En calquera caso, poderás presentar unha reclamación ante a Axencia Española de Protección de Datos (www.aepd.es).

13. Que fiscalidade ten a bonificación?

O importe da bonificación podería ter implicacións fiscais polo que o debes ter en conta para a declaración da renda.

En caso de dúbida, consulten co seu asesor fiscal.

14. Cal é a responsabilidade do BBVA na Promoción?

O BBVA non se responsabiliza das posibles perdas, deterioracións, roubos, atrasos ou calquera outra circunstancia imputable a terceiros ou a Internet que puidesen afectar á túa participación na Promoción.

O BBVA resérvase o dereito de anular calquera participación ou calquera participante se existen sospeitas dunha manipulación incorrecta da Promoción.

Así mesmo, o BBVA exclúe calquera responsabilidade polos danos e perdas de toda natureza que, a pesar das medidas de seguridade adoptadas, puidesen deberse á utilización indebida dos servizos e dos contidos por parte dos participantes e, en particular, aínda que non de forma exclusiva, polos danos e perdas de toda natureza que poidan deberse á suplantación da personalidade dun terceiro efectuada por un usuario en calquera clase de comunicación realizada.

O BBVA queda facultado para resolver calquera continxencia non prevista nas presentes Bases legais.

Aceptas que o BBVA poida adiar, acurtar, prorrogar, modificar, cancelar ou suspender a Promoción debido a causas de forza maior alleas ao seu control, en cuxo caso se compromete a informarte desa circunstancia o máis axiña posible.

No caso de que calquera cláusula destas Bases legais sexa declarada nula ou non válida, seguirán en vigor as restantes cláusulas non afectadas por esta.

15. Lexislación e foro

Para calquera controversia aplicarase a lexislación española ante os xulgados e tribunais correspondentes ao domicilio do participante que aceptou estas b